

大般若波羅蜜多經卷第四十九

字九

大般若波羅蜜多經卷第四十九

字九

唐三藏法師玄奘奉詔譯

初分摩訶薩品第十三之三

爾時具壽舍利子問滿慈子言云何名為菩薩摩訶薩為欲利樂諸有情故乘於大乘滿

字九

慈子言舍利子若菩薩摩訶薩修行般若波

羅蜜多時以應一切智智心大悲為上首用

無所得而為方便乘布施波羅蜜多不得布

施不得布施波羅蜜多不得施者不得受者

不得所施物不得所遮法舍利子是為菩薩

摩訶薩乘布施波羅蜜多若菩薩摩訶薩修
行般若波羅蜜多時以應一切智智心大悲
爲上首用無所得而爲方便乘淨戒波羅蜜
多不得淨戒不得淨戒波羅蜜多不得持戒
者不得犯戒者不得所遮法舍利子是爲菩
薩摩訶薩乘淨戒波羅蜜多若菩薩摩訶薩
修行般若波羅蜜多時以應一切智智心大
悲爲上首用無所得而爲方便乘安忍波羅
蜜多不得安忍不得安忍波羅蜜多不得能
忍者不得所忍境不得所遮法舍利子是爲

菩薩摩訶薩乘安忍波羅蜜多若菩薩摩訶
薩修行般若波羅蜜多時以應一切智智心
大悲爲上首用無所得而爲方便乘精進波
羅蜜多不得精進不得精進波羅蜜多不得
精進者不得懈怠者不得所遮法舍利子是
爲菩薩摩訶薩乘精進波羅蜜多若菩薩摩
訶薩修行般若波羅蜜多時以應一切智智
心大悲爲上首用無所得而爲方便乘靜慮
波羅蜜多不得靜慮不得靜慮波羅蜜多不
得修定者不得散亂者不得定境界不得所

遮法舍利子是為菩薩摩訶薩乘靜慮波羅
蜜多若菩薩摩訶薩修行般若波羅蜜多時
以應一切智智心大悲為上首用無所得而
為方便乘般若波羅蜜多不得般若不得般
若波羅蜜多不得修慧者不得愚癡者不得

字九

二

過去未來現在法不得善不善無記法不得
欲界色界無色界法不得學無學非學非無
學法不得見所斷修所斷非所斷法不得世
間出世間法不得色無色法不得有見無見
法不得有對無對法不得有漏無漏法不得

有爲無爲法不得所遮法舍利子是爲菩薩
摩訶薩乘般若波羅蜜多舍利子當知是爲
菩薩摩訶薩爲欲利樂諸有情故乘於大乘
復次舍利子若菩薩摩訶薩以應一切智智
心大悲爲上首用無所得而爲方便爲遣修
故修四念住爲遣修故修四正斷四神足五
根五力七等覺支八聖道支舍利子是爲菩
薩摩訶薩爲欲利樂諸有情故乘於大乘若
菩薩摩訶薩以應一切智智心大悲爲上首
用無所得而爲方便爲遣修故修空解脫門

爲遣修故修無相無願解脫門舍利子是爲
菩薩摩訶薩爲欲利樂諸有情故乘於大乘
若菩薩摩訶薩以應一切智智心大悲爲上
首用無所得而爲方便爲遣修故修四靜慮
爲遣修故修四無量四無色定舍利子是爲

字九

三

菩薩摩訶薩爲欲利樂諸有情故乘於大乘
若菩薩摩訶薩以應一切智智心大悲爲上
首用無所得而爲方便爲遣修故修布施波
羅蜜多爲遣修故修淨戒安忍精進靜慮般
若波羅蜜多舍利子是爲菩薩摩訶薩爲欲

利樂諸有情故乘於大乘若菩薩摩訶薩以
應一切智智心大悲爲上首用無所得而爲
方便爲遣修故修五眼爲遣修故修六神通
舍利子是爲菩薩摩訶薩爲欲利樂諸有情
故乘於大乘若菩薩摩訶薩以應一切智智
心大悲爲上首用無所得而爲方便爲遣修
故修佛十力爲遣修故修四無所畏四無礙
解大慈大悲大喜大捨十八不共法一切
智道相智一切相智舍利子是爲菩薩摩訶
薩爲欲利樂諸有情故乘於大乘若菩薩摩

訶薩以應一切智智心大悲爲上首用無所
得而爲方便爲遣修故修內空智外空智內
外空智空空智大空智勝義空智有爲空智
無爲空智畢竟空智無際空智散空智無變
異空智本性空智自相空智共相空智一切
法空智不可得空智無性空智自性空智無
性自性空智舍利子是爲菩薩摩訶薩爲欲
利樂諸有情故乘於大乘復次舍利子若菩
薩摩訶薩以應一切智智心大悲爲上首用
無所得而爲方便如實觀察菩薩摩訶薩但

有假名施設言說菩提及薩埵俱不可得故
舍利子是爲菩薩摩訶薩爲欲利樂諸有情
故乘於大乘若菩薩摩訶薩以應一切智智
心大悲爲上首用無所得而爲方便如實觀
察色但有假名施設言說色不可得故受想
行識但有假名施設言說受想行識不可得
故舍利子是爲菩薩摩訶薩爲欲利樂諸有
情故乘於大乘若菩薩摩訶薩以應一切智
智心大悲爲上首用無所得而爲方便如實
觀察眼處但有假名施設言說眼處不可得

字九

四

故耳鼻舌身意處但有假名施設言說耳鼻
舌身意處不可得故舍利子是爲菩薩摩訶
薩爲欲利樂諸有情故乘於大乘若菩薩摩
訶薩以應一切智智心大悲爲上首用無所
得而爲方便如實觀察色處但有假名施設
言說色處不可得故聲香味觸法處但有假
名施設言說聲香味觸法處不可得故舍利
子是爲菩薩摩訶薩爲欲利樂諸有情故乘
於大乘若菩薩摩訶薩以應一切智智心大
悲爲上首用無所得而爲方便如實觀察眼

界但有假名施設言說眼界不可得故色界
眼識界及眼觸眼觸爲緣所生諸受但有假
名施設言說色界乃至眼觸爲緣所生諸受
不可得故舍利子是爲菩薩摩訶薩爲欲利
樂諸有情故乘於大乘若菩薩摩訶薩以應

字九

五

一切智智心大悲爲上首用無所得而爲方
便如實觀察耳界但有假名施設言說耳界
不可得故聲界耳識界及耳觸耳觸爲緣所
生諸受但有假名施設言說聲界乃至耳觸
爲緣所生諸受不可得故舍利子是爲菩薩

摩訶薩爲欲利樂諸有情故乘於大乘若菩
薩摩訶薩以應一切智智心大悲爲上首用
無所得而爲方便如實觀察鼻界但有假名
施設言說鼻界不可得故香界鼻識界及鼻
觸鼻觸爲緣所生諸受但有假名施設言說
香界乃至鼻觸爲緣所生諸受不可得故舍
利子是爲菩薩摩訶薩爲欲利樂諸有情故
乘於大乘若菩薩摩訶薩以應一切智智心
大悲爲上首用無所得而爲方便如實觀察
舌界但有假名施設言說舌界不可得故味

界舌識界及舌觸舌觸爲緣所生諸受但有
假名施設言說味界乃至舌觸爲緣所生諸
受不可得故舍利子是爲菩薩摩訶薩爲欲
利樂諸有情故乘於大乘若菩薩摩訶薩以
應一切智智心大悲爲上首用無所得而爲
方便如實觀察身界但有假名施設言說身
界不可得故觸界身識界及身觸身觸爲緣
所生諸受但有假名施設言說觸界乃至身
觸爲緣所生諸受不可得故舍利子是爲菩
薩摩訶薩爲欲利樂諸有情故乘於大乘若

菩薩摩訶薩以應一切智智心大悲爲上首
用無所得而爲方便如實觀察意界但有假
名施設言說意界不可得故法界意識界及
意觸意觸爲緣所生諸受但有假名施設言
說法界乃至意觸爲緣所生諸受不可得故

字九

六

舍利子是爲菩薩摩訶薩爲欲利樂諸有情
故乘於大乘若菩薩摩訶薩以應一切智智
心大悲爲上首用無所得而爲方便如實觀
察地界但有假名施設言說地界不可得故
水火風空識界但有假名施設言說水火風

空識界不可得故舍利子是爲菩薩摩訶薩
爲欲利樂諸有情故乘於大乘若菩薩摩訶
薩以應一切智智心大悲爲上首用無所得
而爲方便如實觀察苦聖諦但有假名施設
言說苦聖諦不可得故集滅道聖諦但有假
名施設言說集滅道聖諦不可得故舍利子
是爲菩薩摩訶薩爲欲利樂諸有情故乘於
大乘若菩薩摩訶薩以應一切智智心大悲
爲上首用無所得而爲方便如實觀察無明
但有假名施設言說無明不可得故行識名

色六處觸受愛取有生老死愁歎苦憂惱但有假名施設言說行乃至老死愁歎苦憂惱不可得故舍利子是爲菩薩摩訶薩爲欲利樂諸有情故乘於大乘若菩薩摩訶薩以應一切智智心大悲爲上首用無所得而爲方

字九

七

便如實觀察內空但有假名施設言說內空不可得故外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空但有假名施設

言說外空乃至無性自性空不可得故舍利
子是爲菩薩摩訶薩爲欲利樂諸有情故乘
於大乘若菩薩摩訶薩以應一切智智心大
悲爲上首用無所得而爲方便如實觀察四
如但有假名施設言說真如不可得故法界
法性法定法住離生性平等性實際但有假
名施設言說法界乃至實際不可得故舍利
子是爲菩薩摩訶薩爲欲利樂諸有情故乘
於大乘若菩薩摩訶薩以應一切智智心大
悲爲上首用無所得而爲方便如實觀察四

靜慮但有假名施設言說四靜慮不可得故
四無量四無色定但有假名施設言說四無
量四無色定不可得故舍利子是爲菩薩摩
訶薩爲欲利樂諸有情故乘於大乘若菩薩
摩訶薩以應一切智智心大悲爲上首用無
所得而爲方便如實觀察四念住但有假名
施設言說四念住不可得故四正斷四神足
五根五力七等覺支八聖道支但有假名施
設言說四正斷乃至八聖道支不可得故舍
利子是爲菩薩摩訶薩爲欲利樂諸有情故

乘於大乘若菩薩摩訶薩以應一切智智心
大悲爲上首用無所得而爲方便如實觀察
空解脫門但有假名施設言說空解脫門不
可得故無相無願解脫門但有假名施設言
說無相無願解脫門不可得故舍利子是爲

字九

八

菩薩摩訶薩爲欲利樂諸有情故乘於大乘
若菩薩摩訶薩以應一切智智心大悲爲上
首用無所得而爲方便如實觀察布施波羅
蜜多但有假名施設言說布施波羅蜜多不
可得故淨戒安忍精進靜慮般若波羅蜜多

但有假名施設言說淨戒乃至般若波羅蜜
多不可得故舍利子是爲菩薩摩訶薩爲欲
利樂諸有情故乘於大乘若菩薩摩訶薩以
應一切智智心大悲爲上首用無所得而爲
方便如實觀察五眼但有假名施設言說五
眼不可得故六神通但有假名施設言說六
神通不可得故舍利子是爲菩薩摩訶薩爲
欲利樂諸有情故乘於大乘若菩薩摩訶薩
以應一切智智心大悲爲上首用無所得而
爲方便如實觀察佛十力但有假名施設言

說佛十力不可得故四無所畏四無礙解大
慈大悲大喜大捨十八佛不共法一切智道
相智一切相智但有假名施設言說四無所
畏乃至一切相智不可得故舍利子是爲菩
薩摩訶薩爲欲利樂諸有情故乘於大乘若

字九

九

菩薩摩訶薩以應一切智智心大悲爲上首
用無所得而爲方便如實觀察無上正等菩
提但有假名施設言說無上正等菩提不可
得故無上正等覺者但有假名施設言說無
上正等覺者不可得故舍利子是爲菩薩摩

訶薩爲欲利樂諸有情故乘於大乘復次舍利子若菩薩摩訶薩以應一切智智心大悲爲上首用無所得而爲方便從初發心乃至證得無上菩提恒修圓滿不退神通成熟有情嚴淨佛土從一佛國至一佛國供養恭敬尊重讚歎諸佛世尊於諸佛所聽受大乘相應之法既聽受已如理思惟精勤修學舍利子是爲菩薩摩訶薩爲欲利樂諸有情故乘於大乘舍利子如是菩薩摩訶薩雖乘大乘從一佛國至一佛國供養恭敬尊重讚歎諸

佛世尊於諸佛所聽受正法成熟有情嚴淨
佛土而心初無佛國等想舍利子如是菩薩
摩訶薩住不二地觀諸有情應以何身得義
利者即便現受令彼獲益舍利子如是菩薩
摩訶薩乃至證得一切智智隨所生處不離
大乘舍利子如是菩薩摩訶薩不久當得一
切智智爲人天等轉正法輪如是法輪一切
聲聞獨覺沙門婆羅門魔王梵王天龍藥叉
健達縛阿素洛揭路荼緊捺洛莫呼洛伽人
非人等一切世間所不能轉舍利子以諸菩

薩由如是等方便善巧爲欲利樂一切有情
乘大乘故復名摩訶薩舍利子如是爲欲利
樂諸有情故乘於大乘菩薩摩訶薩普爲十
方各如殞伽沙等世界諸佛世尊於大衆中
歡喜讚歎作如是言某方某世界中有其名

字九

十

菩薩摩訶薩爲欲利樂諸有情故乘於大乘
不久當得一切智智爲天人等轉正法輪其
輪世間天人魔梵聲聞等衆皆不能轉如是
展轉聲遍十方天人等衆聞皆歡喜咸作是
言如是菩薩不久當得一切智智轉正法輪

利安舍識

初分大乘鎧品第十四之一

爾時具壽善現白佛言世尊如說菩薩摩訶
薩探大乘鎧者云何名爲菩薩摩訶薩探大
乘鎧佛言善現若菩薩摩訶薩探布施波羅
蜜多鎧探淨戒安忍精進靜慮般若波羅蜜
多鎧善現如是名爲菩薩摩訶薩探大乘鎧
若菩薩摩訶薩探四靜慮鎧探四無量四無
色定鎧善現如是名爲菩薩摩訶薩探大乘
鎧若菩薩摩訶薩探四念住鎧探四正斷四

神足五根五力七等覺支八聖道支鎧善現
如是名爲菩薩摩訶薩探大乘鎧若菩薩摩
訶薩探內空鎧探外空內外空空空大空勝
義空有爲空無爲空畢竟空無際空散空無
變異空本性空自相空共相空一切法空不

字九

十一

可得空無性空自性空無性自性空鎧善現
如是名爲菩薩摩訶薩探大乘鎧若菩薩摩
訶薩探五眼鎧探六神通鎧善現如是名爲
菩薩摩訶薩探大乘鎧若菩薩摩訶薩探佛
十力鎧探四無所畏四無礙解大慈大悲大

喜大捨十八佛不共法一切智道相智一切
相智鎧善現如是名爲菩薩摩訶薩探大乘
鎧若菩薩摩訶薩探佛身相諸功德鎧善現
如是名爲菩薩摩訶薩探大乘鎧復次善現
若菩薩摩訶薩探如是等諸功德鎧放大光
明遍照三千大千世界亦令此界六三變動
其中地獄火等苦具及彼有情身心痛惱皆
得除滅菩薩知其既離衆苦便爲稱讚三寶
功德彼得聞已身心安樂從自趣沒生天人
中即得奉觀諸佛菩薩親承供養稟正法音

其中傍生互相殘害鞭撻驅逼無量衆苦皆
得滅除菩薩知其既離衆苦亦爲稱讚三寶
功德彼得聞已身心安樂從自趣沒生天人
中即得奉觀諸佛菩薩親承供養稟正法音
其中鬼界恐怖飢渴身心焦惱無量衆苦皆
得除滅菩薩知其既離衆苦亦爲稱讚三寶
功德彼得聞已身心安樂從自趣沒生天人
中即得奉觀諸佛菩薩親承供養稟正法音
善現如是名爲菩薩摩訶薩探大乘鎧若菩
薩摩訶薩探如是等諸功德鎧放大光明遍

照十方各如殍伽沙等諸佛世界亦令彼界
六三變動其中地獄傍生鬼界所有衆苦皆
得除滅菩薩知其既離衆苦亦爲稱讚三寶
功德彼得聞已身心安樂從自趣沒生天人
中即得奉觀諸佛菩薩親承供養稟正法音

字九

十二

善現如是名爲菩薩摩訶薩探大乘鎧善現
如巧幻師或彼弟子於四衢道在大衆前幻
作地獄傍生鬼界無量有情各受衆苦亦復
放光變動大地令彼有情衆苦皆息復爲稱
讚佛法僧寶令彼聞已身心安樂從自趣沒

生天人中承事供養諸佛菩薩於諸佛所稟
正法音善現於汝意云何如是幻事爲有實
不善現答言不也世尊佛告善現菩薩摩訶
薩探如是等諸功德鎧放大光明變動大地
拔濟無量世界有情三惡趣苦令生天人見
佛聞法亦復如是雖有所爲而無一實何以
故善現諸法性空皆如幻故復次善現若菩
薩摩訶薩安住布施波羅蜜多普化三千大
千世界如吠瑠璃亦化自身爲轉輪王七寶
眷屬導從圍繞其中有情須食與食須飲與

飲須衣與衣須乘與乘塗香末香燒香花鬘
房舍卧具燈燭醫藥金銀真珠珊瑚璧玉及
餘種種資生之具隨其所須一切施與作是
施已復爲宣說六波羅蜜多相應之法令彼
聞已乃至證得阿耨多羅三藐三菩提於六

字九

十三

波羅蜜多相應之法常不捨離善現如是名
爲菩薩摩訶薩探大乘鎧善現如巧幻師或
彼弟子於四衢道在大衆前幻作種種貧窮
孤露根支殘缺疾病有情隨其所須皆幻施
與善現於汝意云何如是幻事爲有實不善

現答言不也世尊佛告善現菩薩摩訶薩安
住布施波羅蜜多或化世界如吠瑠璃或化
自身爲輪王等隨有情類所須施與及爲宣
說六波羅蜜多相應之法亦復如是雖有所
爲而無一實何以故善現諸法性空皆如幻
故復次善現若菩薩摩訶薩自住淨戒波羅
蜜多爲欲利樂諸有情故生轉輪王家紹轉
輪王位安立無量百千俱胝那庾多有情於
十善業道或復安立無量百千俱胝那庾多
有情於四靜慮若四無量四無色定或復安

立無量百千俱胝那庾多有情於四念住若
四正斷四神足五根五力七等覺支八聖道
支或復安立無量百千俱胝那庾多有情於
空解脫門若無相無願解脫門或復安立無
量百千俱胝那庾多有情於布施波羅蜜多
若淨戒安忍精進靜慮般若波羅蜜多或復
安立無量百千俱胝那庾多有情於五眼若
六神通或復安立無量百千俱胝那庾多有
情於佛十力若四無所畏四無礙解大慈大
悲大喜大捨十八佛不共法一切智道相智

一切相智令安住已乃至證得阿耨多羅三
藐三菩提於如是法常不捨離善現如是名
為菩薩摩訶薩探大乘鎧善現如巧幻師或
彼弟子於四衢道在大眾前幻作無量有情
令住十善業道或復令住四靜慮乃至一切

字九

十四

相智善現於汝意云何如是幻事為有實不
善現答言不也世尊佛告善現菩薩摩訶薩
為有情故生轉輪王家紹轉輪王位安立無
量百千俱胝那庾多有情於十善業道或復
安立無量百千俱胝那庾多有情於四靜慮

乃至一切相智亦復如是雖有所爲而無一
實何以故善現諸法性空皆如幻故復次善
現若菩薩摩訶薩自住安忍波羅蜜多亦勸
無量百千俱胝那庾多有情令住安忍波羅
蜜多善現云何菩薩摩訶薩自住安忍波羅
蜜多亦勸無量百千俱胝那庾多有情令住
安忍波羅蜜多善現若菩薩摩訶薩從初發
心乃至證得一切智智探安忍鎧常自念言
假使一切有情持刀杖塊等來見加害我終
不起一念忿心勸諸有情亦如是忍善現是

菩薩摩訶薩如心所念境觸無違勸諸有情
住如是忍乃至證得阿耨多羅三藐三菩提
於如是忍常不捨離善現如是名爲菩薩摩
訶薩探大乘鎧善現如巧幻師或彼弟子於
四衢道在大衆前幻作種種諸有情類各各
執持刀杖塊等加害幻師或彼弟子時幻師
等於幻有情都不起心欲爲怨報而勸彼住
如是安忍善現於汝意云何如是幻事爲有
實不善現答言不也世尊佛告善現菩薩摩
訶薩探安忍鎧自住安忍波羅蜜多亦勸無

字九

十五

量百千俱胝那庾多有情令住安忍波羅蜜
多常不捨離亦復如是雖有所爲而無一實
何以故善現諸法性空皆如幻故復次善現
若菩薩摩訶薩自住精進波羅蜜多亦勸無
量百千俱胝那庾多有情令住精進波羅蜜
多善現云何菩薩摩訶薩自住精進波羅蜜
多亦勸無量百千俱胝那庾多有情令住精
進波羅蜜多善現若菩薩摩訶薩以應一切
智智心身心精進斷諸惡法修諸善法亦勸
無量百千俱胝那庾多有情修習如是身心

精進乃至證得阿耨多羅三藐三菩提於如是精進常不捨離善現如是名爲菩薩摩訶薩探大乘鎧善現如巧幻師或彼弟子於四衢道在大衆前幻作種種諸有情類而彼巧幻自現熾然身心精進亦勸所幻令修如是熾然精進善現於汝意云何如是幻事爲有實不善現答言不也世尊佛告善現菩薩摩訶薩以應一切智智身心精進斷諸惡法修諸善法亦勸有情修習如是身心精進常不捨離亦復如是雖有所爲而無一實何以

故善現諸法性空皆如幻故復次善現若菩薩摩訶薩自住靜慮波羅蜜多亦勸無量百千俱胝那庾多有情令住靜慮波羅蜜多善現云何菩薩摩訶薩自住靜慮波羅蜜多亦勸無量百千俱胝那庾多有情令住靜慮波

字九

十六

羅蜜多善現若菩薩摩訶薩於一切法住平等定不見諸法有定有亂而常修習如是靜慮波羅蜜多亦勸無量百千俱胝那庾多有情修習如是平等靜慮乃至證得阿耨多羅三藐三菩提於如是定常不捨離善現如是

名爲菩薩摩訶薩探大乘鎧善現如巧幻師
或彼弟子於四衢道在大衆前幻作種種諸
有情類而彼巧幻自現於法住平等定亦勸
所幻令修如是平等靜慮善現於汝意云何
如是幻事爲有實不善現答言不也世尊佛
告善現菩薩摩訶薩於一切法住平等定亦
勸有情修習如是平等靜慮常不捨離亦復
如是雖有所爲而無一實何以故善現諸法
性空皆如幻故復次善現若菩薩摩訶薩自
住般若波羅蜜多亦勸無量百千俱胝那庾

多有情令住般若波羅蜜多善現云何菩薩
摩訶薩自住般若波羅蜜多亦勸無量百千
俱胝那庾多有情令住般若波羅蜜多善現
若菩薩摩訶薩自住無戲論般若波羅蜜多
不見諸法有生有滅有染有淨及不得此岸

字九

十七

彼岸差別亦勸無量百千俱胝那庾多有情
安住如是無戲論慧乃至證得阿耨多羅三
藐三菩提於如是慧常不捨離善現如是名
爲菩薩摩訶薩探大乘鎧善現如巧幻師或
彼弟子於四衢道在大衆前幻作種種諸有

情類而彼巧幻自現安住無戲論慧亦勸所
幻令其修習如是般若善現於汝意云何如
是幻事爲有實不善現答言不也世尊佛告
善現菩薩摩訶薩自住無戲論般若波羅蜜
多亦勸有情修習如是無戲論慧常不捨離
亦復如是雖有所爲而無一實何以故善現
諸法性空皆如幻故復次善現若菩薩摩訶
薩探如上說諸功德鎧普於十方各如殞伽
沙等諸佛世界以神通力自變其身遍滿如
是諸佛世界隨諸有情所樂示現自住布施

波羅蜜多勸慳貪者令住布施自住淨戒波
羅蜜多勸犯戒者令住淨戒自住安忍波羅
蜜多勸暴惡者令住安忍自住精進波羅蜜
多勸懈怠者令住精進自住靜慮波羅蜜多
勸亂心者令住靜慮自住般若波羅蜜多勸
愚癡者令住妙慧如是菩薩摩訶薩安立有
情於六波羅蜜多已復隨其類音爲說六波
羅蜜多相應之法令彼聞已乃至證得阿耨
多羅三藐三菩提於六波羅蜜多相應之法
常不捨離善現如是名爲菩薩摩訶薩擐大

乘鎧善現如巧幻師或彼弟子於四衢道在
大衆前幻作種種諸有情類而彼巧幻自現
安住六波羅蜜多亦勸所幻有情令其安住
善現於汝意云何如是幻事為有實不善現
答言不也世尊佛告善現菩薩摩訶薩普於
十方各如殞伽沙等諸佛世界自現其身隨

字九

十八

類安住六波羅蜜多亦勸有情令其安住乃
至證得無上菩提常不捨離亦復如是雖有
所為而無一實何以故善現諸法性空皆如
幻故復次善現若菩薩摩訶薩探如上說諸

功德鎧以應一切智智心大悲爲上首用無
所得而爲方便利益安樂一切有情不雜聲
聞獨覺作意謂不作是念我當安立爾所有
情於布施波羅蜜多爾所有情不當安立但
作是念我當安立無量無數無邊有情於布
施波羅蜜多不作是念我當安立爾所有情
於淨戒安忍精進靜慮般若波羅蜜多爾所
有情不當安立但作是念我當安立無量無
數無邊有情於淨戒乃至般若波羅蜜多不
作是念我當安立爾所有情於內空爾所有

情不當安立但作是念我當安立無量無數
無邊有情於內空不作是念我當安立爾所
有情於外空空內外空空空大空勝義空有爲
空無爲空畢竟空無際空散空無變異空本
性空自相空共相空一切法空不可得空無

字九

十九

性空自性空無性自性空爾所有情不當安
立但作是念我當安立無量無數無邊有情
於外空乃至無性自性空不作是念我當安
立爾所有情於四靜慮爾所有情不當安立
但作是念我當安立無量無數無邊有情於

四靜慮不作是念我當安立爾所有情於四
無量四無色定爾所有情不當安立但作是
念我當安立無量無數無邊有情於四無量
四無色定不作是念我當安立爾所有情於
四念住爾所有情不當安立但作是念我當
安立無量無數無邊有情於四念住不作是
念我當安立爾所有情於四正斷四神足五
根五力七等覺支八聖道支爾所有情不當
安立但作是念我當安立無量無數無邊有
情於四正斷乃至八聖道支不作是念我當

安立爾所有情於空解脫門爾所有情不當
安立但作是念我當安立無量無數無邊有
情於空解脫門不作是念我當安立爾所有
情於無相無願解脫門爾所有情不當安立
但作是念我當安立無量無數無邊有情於
無相無願解脫門不作是念我當安立爾所
有情於五眼爾所有情不當安立但作是念
我當安立無量無數無邊有情於五眼不作
是念我當安立爾所有情於六神通爾所有
情不當安立但作是念我當安立無量無數

無邊有情於六神通不作是念我當安立爾
所有情於佛十力爾所有情不當安立但作
是念我當安立無量無數無邊有情於佛十
力不作是念我當安立爾所有情於四無所
畏四無礙解大慈大悲大喜大捨十八佛不

字九

二十

共法一切智道相智一切相智爾所有情不
當安立但作是念我當安立無量無數無邊
有情於四無所畏乃至一切相智不作是念
我當安立爾所有情於預流果爾所有情不
當安立但作是念我當安立無量無數無邊

有情於預流果不作是念我當安立爾所有
情於一來不還阿羅漢果獨覺菩提爾所有
情不當安立但作是念我當安立無量無數
無邊有情於一來不還阿羅漢果獨覺菩提
不作是念我當安立爾所有情於菩薩道無
上菩提爾所有情不當安立但作是念我當
安立無量無數無邊有情於菩薩道無上菩
提善現如是名爲菩薩摩訶薩探大乘鎧善
現如巧幻師或彼弟子於四衢道在大衆前
幻作無量無數無邊有情安立於六波羅蜜

多乃至安立於無上菩提善現於汝意云何
如是幻事爲有實不善現答言不也世尊佛
告善現菩薩摩訶薩以應一切智智心大悲
爲上首用無所得而爲方便安立無量無數
無邊有情於六波羅蜜多乃至安立無量無
數無邊有情於無上菩提亦復如是雖有所
爲而無一實何以故善現諸法性空皆如幻
故

字九

二十一

大般若波羅蜜多經卷第四十九

音釋

健達縛

梵語也亦云乾闥婆此云香

阿素

洛

梵語也亦云阿修羅

揭路荼

梵語也此云金翅鳥

揭居謁切

荼同都切

緊捺洛

梵語也此云疑神又

莫

呼洛伽

梵語也亦云摩睺羅伽正

吠瑠璃

梵語也此云青色寶吠符廢切